



DAING NASIR IBRAHIM (tengah), Ayib Rosdi Zainun (kiri) dan Bendahari UMP, Zainudin Othman bersama risalah mengenai Kejoohan Golf Amal UMP untuk mengumpul dana MyGift UMP.

UTUSAN MALAYSIA (DALAM NEGERI) 3/9/2016 M/s 28

UMP anjur kejohanan golf amal kumpul dana biasiswa pelajar

KUALA LUMPUR 2 Sept. - Kelab Golf Universiti Malaysia Pahang (UMP) akan menganjurkan Kejoohan Golf Amal bagi mengumpul dana biasiswa untuk pelajar miskin yang melanjutkan pelajaran ke universiti berkenaan.

Naib Canselor UMP, Prof. Datuk Dr. Daing Nasir Ibrahim berkata, Kejoohan Golf Amal itu adalah inisiatif MyGift UMP yang diperkenalkan sebagai kemudahan kepada masyarakat, warga kampus dan alumni untuk bersama pihaknya dalam menyokong budaya menderma demi memakmurkan ilmu.

"Sumbangan daripada program ini juga akan dimanfaatkan oleh pihak universiti bagi tujuan tajaan pengajian, peningkatan fa-

siliti dan kualiti akademik di UMP," katanya dalam satu kenyataan di sini.

Kejoohan tersebut akan diadakan di dua lokasi iaitu pada 3 September di Glenmarie Golf & Country Club, Shah Alam, Selangor, manakala pada 17 September pula di Mahkota Golf & Country Club, Kuantan, Pahang.

Sementara itu, Pengarah Program, Dr. Ayib Rosdi Zainun berkata, setiap penyertaan dikenakan yuran RM3,000 seorang manakala yuran satu flight pula RM10,000 yang merangkumi kos penggunaan padang, kereta buggy dan insurans.

Maklumat lanjut boleh diperoleh di laman web rasmi kejoohan <http://golfamal2016.ump.edu.my/>.